



Broj: 10/E-11-1308/25-2
Sarajevo, ~~27-03-2025~~ . godine

Na osnovu člana 69. stav (2) tačka a) i člana 70. stav (4) Zakona o javnim nabavkama BiH ("Službeni glasnik BiH", broj 39/14, 59/22 i 50/24) (u daljem tekstu: Zakon), člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine (u daljem tekstu: Komisija II), u postupku javne nabavke usluga održavanja vozila, za LOT 2 – održavanje vozila marke Suzuki, putem konkurentskog zahtjeva za dostavu ponuda (Zapisnik broj: 10/E-11-1308/25-2 od 20.03.2025. godine), Općinski načelnik donosi:

O D L U K U **o poništenju postupka javne nabavke**

- I. Poništava se postupak javne nabavke usluga održavanja vozila za LOT 2 - održavanje vozila marke Suzuki, putem konkurentskog zahtjeva za dostavu ponuda, Obavještenje o nabavci 848-7-2-11-3-72/25 od 6.3.2025. godine, iz razloga što nije dostavljena nijedna ponuda u određenom krajnjem roku.
- II. Ova Odluka objavit će se na web stranici Općine Centar, www.centar.ba.

O b r a z l o ž e n j e

Postupak javne nabavke za usluge održavanja vozila pokrenut je Odlukom o pokretanju postupka javne nabavke, putem konkurentskog zahtjeva za dostavu ponuda, broj: 10/E-11-1308/25 od 03.03.2025. godine.

Obavještenje o nabavci 848-7-2-11-3-72/25 od 6.3.2025. godine objavljeno je na Portal javnih nabavki (www.ejn.gov.ba) dana 06.03.2025. godine.

Predmet nabavke je podijeljen na LOT-ove, i to:

- LOT 1 - održavanje vozila marke Toyota
- LOT 2 - održavanje vozila marke Suzuki
- LOT 3 - održavanje vozila marke Dacia
- LOT 4 - održavanje priključnog vozila (mobilna kuhinja)
- LOT 5 - održavanje električnih mopeda marke Torini Volt

Procijenjena vrijednost javne nabavke za LOT 2 - održavanje vozila marke Suzuki bez PDV-a iznosi 7.560,00 KM.

Komisija II je na sjednici održanoj povodom zakazanog javnog otvaranja ponuda dana 19.03.2025. godine u predmetnom postupku javne nabavke usluga održavanja vozila, evidencijski broj: 10/E-11-1308/25, a na osnovu uvida u Zapisnik o zaprimanju ponuda broj: 10/E-11-1308/25 od 06.03.2025. godine utvrdila činjenicu da na adresu Ugovornog organa, Općina Centar Sarajevo, za LOT 2 – održavanje vozila marke Suzuki, nije dostavljena nijedna ponuda u određenom krajnjem roku za dostavu ponuda (19.03.2025. godine do 12:00 sati), navedenom u Obavještenju o nabavci i tenderskoj dokumentaciji, što je konstatovano u Zapisniku o otvaranju ponuda broj: 10/E-11-1308/25-2 od 20.03.2025. godine.

Odredbom člana 69. stav (2) tačka a) Zakona o javnim nabavkama ("Službeni glasnik BiH", broj 39/14, 59/22 i 50/24) propisano je da je ugovorni organ obavezan poništiti postupak javne nabavke u slučaju da nije dostavljena nijedna ponuda u određenom krajnjem roku.

Slijedom prethodno navedenog, Komisija II je na sjednici održanoj dana 20.03.2025. godine jednoglasno donijela odluku da Općinskom načelniku predloži da u skladu sa članom 69. stav (2) tačka (a) Zakona o javnim nabavkama („Službeni glasnik BiH“, broj 39/14, 59/22 i 50/24) donese odluku o poništenju postupka javne nabavke usluga održavanja vozila za LOT 2 - održavanje vozila marke Suzuki, o čemu je sačinjen Zapisnik o pregledu i ocjeni ponuda broj: 10/E-11-1308/25-2 od 20.03.2025. godine.

Općinski načelnik u postupku predmetne nabavke nije našao razloge niti nepravilnosti u radu Komisije II koji bi bili osnov za neprihvatanje prijedloga Komisije II, te je u skladu sa članom 69. stav (2) tačka a) i članom 70. stav (1) i (4) Zakona o javnim nabavkama („Službeni glasnik BiH“, broj 39/14, 59/22 i 50/24) donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (deset) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-1308/25-2 od 20.03.2025. godine



Dostaviti:

1. Službi za zajedničke i tehničke poslove
2. Kabinetu općinskog načelnika - Odsjeku za javne nabavke
3. U spis